



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七〇二

蟄廬遺集一卷 俞文詔 撰

一

黎文肅公遺書六十七卷（奏議十六卷公牘十卷黔軺紀程一卷

雜箸二卷求補拙齋文略二卷求補拙齋詩略二卷求補拙齋外

集四卷書札三十卷）首一卷年譜一卷 黎培敬 撰

三一

函樓詩鈔二十卷（卷十七未刻） 易佩紳 撰

六五三

蟄廬遺集

光緒二十壹年秋孟
婺源俞氏清陰堂刊

蟄廬遺集序

始余爲諸生館於婺源之龍溪與俞君麟士交
最善詩酒過從無虛日時尊甫東軒先生方健
在登堂一見以國士相目所以掄揚之者無弗
至且憫其貧而館入之不足以贍也則時時周
恤之余既通籍官於四方不復至婺源君亦爲郎
京師宦轍不合併稀得見然先生知己之感君
友朋之好懷之不能去心暨余提刑嶺右東軒

蟄廬遺集

壹

先生已前歿君自建昌道權蜀臬罷歸養母夫
人寄居珠江因得相談譙道故甚歡如在婺源
也余旋攝藩西粵君子肇桐方任奉議知州有
政聲以獲鄰匪有功余以公義薦擢直隸州未
及任而卒君亦俄捐館舍嗟夫余與君交三世
前後三十年間而皆聞其喪讀昌黎殿中監之
誌其能無感於中耶今年冬自桂林遷撫粵東
肇桐之子旦來謁卓然已成立出君遺集相索

序曩與君唱和時兩人皆年少抵掌論天下事
意氣迴出一往若不可禦及其論詩引繩削墨
斷然不相下自今思之忽忽猶前日事而袖君
詩而來者乃君之孫耳爲愴然者久之然君之
仕幾大顯卒不得盡其志與才以歿而詩卷猶
長留於天地間又得賢子孫珍襲而流傳之歐
公所謂惟爲善者能有後而託於文字者可以
無窮其弗信然歟君生平無他好獨嗜爲詩出

蟄廬遺集

貳

入於唐宋諸大家不泥一格而必本於溫柔敦
厚之旨宦京師時寓王文簡公舊居有紫藤書
屋圖及守嘉定月於凌雲山東坡亭以詩賦課
士有凌雲課詩圖遞陳臬川蜀解組珠江又作
有守璞圖歸岫閒雲圖一時名流題詠殆徧其
提倡風雅如此君之歸養也年僅三十五林下
閒適爲詩尤夥悉不自收拾今之所存者百之
一二耳然其性情政績讀君詩者猶可以想見

之夫以壯年出守大郡擢監司宜於輿服聲色
之好未能盡忘君又以秋曹郎起家至陳臬事
綜其一生與刑名相終始亦宜有嚴厲肅殺之
氣者乃其衙齋卽事句云何必說風愆書亦不
宜好留別嘉定士庶句云柰無秋氣只春風鳴
呼此可以知君也已余既爲旦題君凌雲圖卷
復書此於君集之簡端而歸之亦以述數世交
游之舊而惜君之不竟其用也

蟄廬遺集

叁

光緒拾年太歲甲申冬十二月望江倪文蔚謹
誌於粵東巡撫使署之三祕密室

覃恩誥封通奉大夫

誥授中憲大夫署理四川按察使司按察使建

昌上南兵備道祖考麟士府君行述

長孫旦泣述

光緒甲辰三月廣東督學使者朱祖謀填

諱

嗚呼王考棄養今二十有二載矣當是時

先考方告終廣西奉議州任所叔父柯庭

行狀

一

公受百公相繼先歿儀三雲劬兩公年甫

弱冠且以髫齡失恃隨宦數千里遠違王

考膝下王考之遺言往行文章政事舉不

得詳溯聞祖母葉太夫人之言及先考舉

以爲訓與他人稱述者僅十之一二竊念

王考報

國治家詒謀燕翼足以垂法奕世且淺福薄

植既無以報罔極之恩又不克承先人永

愛幼耽嬉戲長而無文以貴進身僅獲微

秩使先世之澤未遂顯揚罪曰大矣而一

二之僅傳者亦不能垂之家乘留示後昆

則其罪尤大宋歐陽文忠公葬其父於瀧

岡六十年始表其阡蓋有待也且年已強

仕四十無聞有忝先德夫復何待用是和

淚濡墨謹舉所聞陳其大畧不敢稍有文

飾以誣先人而更增罪戾王考諱文詔字

行狀

二

廷珍號麟士又號抑翁晚稱蟄廬老人溯

我俞氏之先始自俞附春秋有俞豆亭侯

唐咸通中昌公由篁墩遷婺之長田是爲

婺源俞姓始祖六世祖文明公由長田遷

豐洛八世祖瓘公由豐洛遷陳平塢十世

祖昶公一名叔緯宋紹興間由陳平塢遷

北鄉龍谿以春秋明經登第歷任池州通

判是爲龍谿始祖十六世祖蔭公學通經

史多所著述咸涓問以尙書傳義舉孝廉授平江府學教授義不仕自是以來世有隱德傳至三十三世而我王考生爲

誥贈通奉大夫鳴岐公曾孫

誥贈通奉大夫德隆公孫

誥封通奉大夫

誥授中憲大夫候選道東軒公三子也初吾家故貧然嗣繼相承積德不懈逮鳴岐公以

行狀

三

負販供菽水日所得米輒存一升留給旬者事載郡邑志義行傳生子四德隆公居次勤約好善業茶珠江生東軒公閱數年而德隆公卒東軒公少讀書有大志嗣以茶務在粵不得已棄儒就賈年十四繼商於粵經營締造因卜居焉迎南海陳谿谷先生之女來歸是爲陳太夫人王考其出也生而聰穎博覽羣史居恆以民社爲已

任道光甲辰

恩科大伯祖吉士公文謙舉於鄉計偕入都應京兆試薦不售慨然曰丈夫建功立業貴及時耳安能埋首牖下必藉帖括爲媒哉援例輸將籤分刑部補直隸清吏司郎中派充主稿兼督催所司務廳總辦秋審稽查十八司彙存稿件等差受知濰縣陳文懋公官俊保薦繁缺知府時與伯祖吉士

行狀

四

公同居王文簡公舊宅日則趨公夜則同讀友于之愛僚案欽仰洗雲樵學使斌繪圖紀事題者成帙道光戊申外授四川嘉定府知府

成皇帝召見垂詢籍貫家世及川省民情風俗甚悉奏對稱

旨得蒙

溫諭有曰汝年少汝好爲之毋負國恩之語

聖明優寵垂老不忘常舉以訓旦等曰

天恩高厚未報涓埃汝曹奮勉讀書以爲

國用稍酬萬一毋辜吾志也其赴蜀時年二十四總督長白奉義侯文勤公琦善恐年少不任舉積牘令判鞫得情議結歎曰此老吏斷獄才也其進不可量矣益器重之郡屬牛華溪鹽井鹽夫數千人動輒恃眾挾商以蚩尤廟爲聚訟所急驟不可爬梳

行狀

五

己酉七月毀拆商屋泃泃爲亂王考緝懲首惡改廟爲義學以教鹽夫子弟爲立善後規條積習自此消弭此其整頓政治之一端也郡治馬邊與峩邊犬牙相錯僎夷來往搶掠靡常居民苦之勦撫兼施閱月而服然狼子野心慮久則生玩設平安新營建房二百駐兵五千以爲鎮撫民徯於是相安此其規畫邊防之大凡也又重修

九峯書院增膏伙獎賞以振文風添設各

屬義學頒孝經小學以培風俗郡東凌雲

山蘇文忠公讀書處也延李西樞先生主

講月以詩賦課士庚戌上巳令來試者各

攜桃李栽植山中爲異日簪花之兆是日

會者八百七十人歷年以來列前茅者領

鄉薦九人捷南宮三人胡淡泉二尹世榮

嚴渭春中丞樹森繪凌雲課詩圖鄉人獻

行狀

六

詩頌德其汲汲然興學教士之心都人士咸謂與文翁後先輝映辛亥春琦侯誓師勦辦後藏生番檄理糧務啟節有日春雨泛道糧不至侯曰養兵以糧今糧不至設生變伊誰之咎勒卽晚集不得已懇於將軍借撥八旗營兵鼓勵重賞紆道往接如期膺至師行功成侯愈見重

大計薦保卓異調守夔州敘州調補成都事無

大小悉以諮之以平反眉州案又督建平
安營工竣奉

旨從優議敘

賞戴花翎監督夔渝兩關稅務升授建昌上南
道代理通省鹽茶道兼成龍綿茂道署按
察使司按察使隨帶加三級恭遇

覃恩誥封三代皆如其官王考宦蜀八年歷任
之久以嘉定爲最政績之多亦以嘉定爲

行狀

七

最其署敘州也郡城傾塌捐廉修葺俗尙
溺女旣諭嚴禁復建慈幼所以爲撫育遞
署夔州例兼監督稅務比時土匪蠢動商
賈裹足甫及半載賠墊庫款十二萬兩屢
奉 部提同治七年始行填解祖遺產業
搜括一空晏如也至若成都首郡鹽茶首
道以及成綿建昌等任事繁職要昕夕靡
遑屢勉從公理紛振廢蓋筮仕以來日兢

兢於吏治民生罔敢有越厥志是時王曾
祖春秋已逾甲子居恆以報

國日多報親日少爲念壬子四月恭迎祿養
成都郡署捧觴上壽朝夕承歡郡屬紳民
莫不躋堂稱祝旣遂養志凡所以娛高堂
者無不爲之居有間王曾祖諭王考曰汝
出仕來余在鄉聞政聲甚慰比年余往來
皖粵體先人敬宗任卹之心在婺建宗祠

行狀

八

設族田義倉在粵設歸原堂以歸鄉人之
客死者均次第舉行獨錦城我皖行館羣
塵湫隘汝其治之今蜀中安徽會館靈光
高聳王考遵王曾祖訓擴充也旋蒙安徽
巡撫江文忠公忠源奏派督辦兩湖戰船
有嫉之者誣以他案落職隨奉王曾祖南
歸時胡文忠公林翼督師漢口留辦營務
以隨侍無人固辭不就文忠贈倪文正公

元潞秋山佳日圖軸賦詩誌別門人嚴中
丞樹森繪圖紀事皆一時知己可想見名
流之風範矣既解組歸年三十有四杜門
謝客竭力事親補定省之缺敦友于之好
一門之內怡怡愉愉人無間言暇輒蒐討
典雅著有史論擇存三十六卷刪存蟄廬
集一卷重刻林和靖集摹刻吳天發神識
碑繪歸岫間雲圖守璞圖當代名流題詠

行狀

九

殆遍咸豐戊午冬十月遭王曾祖考喪哀
毀骨立同治甲子夏六月復遭王曾祖妣
喪慘變迭膺哀痛逾甚遽年大伯祖吉士
公二伯祖耀宗公四叔祖子彬公五叔祖
星航公六叔祖少軒公相繼下世所在傷
心元氣浸虧頓發氣逆頭眩之症同治丁
卯籌餉出力前安徽巡撫英宮保翰奏保
特旨賞還四品銜時已無出山志矣乃命先考

投効左文襄公宗棠營隨蔣果敏公益澧
轉戰吳越克復金華湯溪龍游等縣城迭
膺保薦癸酉選授廣西永甯州尋調奉議
州知州

大計卓異懋著循聲善政播揚得王考歡如曾
王考之於王考也光緒壬午_日自奉議北
赴秋闈繞道穗垣叩謁慈顏精神矍鑠
心幸愛日方長也不料冬十一月西匪劉

行狀

十

興佳嘯聚謀亂先考冒雨督捕感寒成疾
七日告終凶耗陡傳王考大慟由是舊病
復發飲食銳減年逾花甲不任過哀竟於
光緒癸未年二月十七日棄養嗚呼痛哉
王考之仕也其德澤足被乎民生其處也
孝弟足垂於子姓性和易外無崖岸而內
矢忠誠交友以敬待下以寬人之與語者
幾不知其曾任監司大員也咸豐丙辰英

人犯粵城陷避居南海大汜鄉鄉距省三十餘里會歲饑道梗米運不通觸目菜色乃捐資購米紆途運賑存活甚多鄉人至今稱頌弗置生平善屬文尤喜賦詩然不存稿存者古今體詩百十四章日塾廬集光緒乙未經_且刊刻傳世_且少不更事且生也晚王考之善績懿行蓋有不能盡知卽知之亦不能詳謹就所聞舉述其畧伏

行狀

十二

冀

大人先生惠而賜言藉傳不朽世世子孫銘感無量王考生於道光壬午年八月三十日卯時終於光緒癸未年二月十七日丑時春秋六十有二祖母葉太夫人南海戶部陝西司員外郎蔗田公長女生有淑德王考服官無內顧憂太夫人之佐也子六人長卽先考諱肇桐選授永甯州知州調

知奉議州廣西陞用同知直隸州

賞戴花翎

大計卓異次肇禧候選郎中次肇祿候選翰林院待詔次肇禮花翎五品銜廣東候補鹽知事次肇初軍功五品女二長適三品銜工部郎中譚崇徽次適國學生潘佑清孫旦藍翎五品銜廣東候補知縣肇桐出銳森煊治肇禮出曾孫閻章國學生閻迺幼

行狀

十三

釋旦出以光緒癸未年三月權厝於廣東南海橫沙鄉山官屋口坐坤向艮兼未丑之原謀異日歸葬也

蟄廬遺集

婺源俞文詔麟士著

嘉州郡署憩園新秋卽事

一雨洗天淨園林涼意通亭虛多受月樹老易
驚風竹屋紙窗裏菊籬藤架中秋聲與秋色相
約到簾櫳

心鑑書堂

勿以水爲鑑虛懷鑑在民古今無異治物我總

蟄廬遺集

同春孰著心如鏡居然手秉鈞但求中不愧其
用自通神

竹平安館

瀟瀟秋夜寒風雨報平安不用書千紙頻聽竹
數竿此君喜無恙之子且爲官獨具凌雲志青
慈總耐寒

小蒼簷舫

箇中青欲滴繞岸小蒼簷罨畫擁詩舫蕭疏涼

硯牀四圍荷弄影一望水生光以外春聲館住
時共舉觴

西南第一樓

樹角樓高聳西南第一名遠山動游興長笛助
吟情新月侵簾白斜陽照瓦明最宜春雨曉遙
聽賣花聲

衙齋卽事

新婦初入門不知井與竈步步要親歷何人爲

蟄廬遺集

汝告朋友不可無未敢盡倚靠但視已成事如
路得先導勤勤問民瘼密密訪奸盜整躬以率
屬安良在除暴公事何以敗敗之以浮躁禍患
何以取取之以驕傲我家本淡薄衣麤食原糲
敢存溫飽心稍改生平操玩物志斯喪禁人躬
勿蹈何必說風愆書亦不宜好

憶從羊城來父母戒我行入官須體察要在慎
勤清三字豈不美有實亦有名遲疑以爲慎其

慎乃不明好事以爲勤其勤乃紛更惟清似無
弊矯又不近情沾沾自喜心悔吝所由生當官
守清潔譬如女子貞治事戒怠荒譬如農夫耕
違之無一可敢以奇異鳴君子務其實其名烏
足營

子游居武城得人曰澹臺非公室不至古誼何
如哉文行祇心契詎在相追陪乃知其士佳眾
情遂交推廉恥道不立國家無賢才下之奔競

蟄廬遺集

三

風總由上所開我豈不好士欲杜夤緣媒憶昔
里居時公庭絕疑猜讀書不出戶自負廊廟材
今與士跡疏即此爲栽培九峰有書院一月課
一回諸君勿詣我我爲諸君來

官知吏則難吏知官則易迎合一信任害乃無
不至官雖不愛錢吏以官射利官雖不枉法吏
以官舞弊城狐虎威假水母蝦目寄是曰吏用
官而非官用吏御史故有法法與御民異御民

欲其愛御史欲其畏示以不可測使之無所恃
又推心置腹自如身使臂苛刻固非宜寬恕恐
無忌微聞吏歎息其官必賢智

問囚非問彼所以問我心百信有一疑即此當
推尋勿以躁情決勿以怒氣臨勿以人言搖勿
以已見侵觀色若懸鏡聽詞如辨琴眾證既確
鑿而囚尙沈吟動之以哀矜囚亦涕沾襟筆楚
豈無用大獄不可任筆楚得情淺哀矜得情深

蟄廬遺集

四

甘棠有遺愛鵲鴉懷好音我昔官刑曹此爲座
右箴

餞秋和何小宋太史璟元韻

無端落葉送秋光門外烏嘯幾樹霜未免有情
驚節序不堪回首問瀟湘天涯別况傳歸雁尊
畔詩情入醉鄉昨夜倚樓聽遠笛半鈎涼月下
疎楊

石林場道中

纔從大板過又轉石林場流水雜人語遠峰明
夕陽半橋分野色一路趁秋光不是勤民事勞
勞爲底忙

江南大水行得家書有感

去年捧檄行李速路出江南愁滿目饑民逃災
憊不堪朝愁朝餐夜愁宿今年三江災更寬聞
道溼雲蒸過伏孽龍天上怒未已更翻銀河瀉
秋瀑破山疾雷轟裂城捲地狂風吹倒屋澤鴻
墊廬遺集

五

何處謀稻梁壘燕定知棲樹木忍使蒸黎作魚
鼈彼蒼用意何其酷或言人滿天亦患往往干
戈行殺戮凶荒正由天子聖至免生靈受荼毒
此論似是殊不然爲國防災在儲蓄奈何三江
財賦地十室九空無積粟連年荒水洗貧囊未
聞田園報秋熟官開市米策之上其次發糶常
平穀賑饑須是散緡錢興疫多緣設糜粥倉皇
補救亦區區餓殍權將絲命續扶危濟困仗伊

誰大吏能作蒼生福我家江左南之南歲歲豐
登民鼓腹水患未及饑民來村西村東日追逐
家書報我籌濟方饑者與食寒與服我聞此舉
尙稱善尤慮可一不可復方今

聖主邁唐堯軫念民瘼諮岳牧豈無禹稷救溺
機焉用旁觀策當局

庚戌上巳登凌雲山東坡祠以詩課士令

與試者各攜桃李遍植山前喜賦二律

墊廬遺集

六

此日蘇祠講席開隔江人望似蓬萊要我輩
原仙侶特借名山課異才多士已期先器識新
詩還欲富瓊瑰他年玉樹梢雲長桃李三千手
自栽

書樓今作課詩樓校士餘閒足講游謾說人才
歸月旦且栽桃李亦風流吟成供佛知能手句
好如仙使出頭從此凌雲堪作賦諸君應不羨
封侯

吳仲昀方伯振槭花宜館集

公才大於海公識明若鏡融會入篇什格律尤
蒼勁小築花宜館政餘一吟詠落筆驚鬼神字
字皆瘦硬昔公在萊州民室嗟懸磬百計爲撫
綏但請蒼生命饑寒若由已浩歌發痛定愴然
愛物心淚痕尙欲近况乎所到處力爲除梟獍
梟獍既已除貳魚自飛泳樂府乃效漢哇聲先
放鄭知公行坐地花木都可敬我幸爲屬吏緒

蟄廬遺集

七

論獲究竟藹藹坐春風小草亦繁盛和平致厚
福澹定出天性感公賜以詩持此礪德行牧馬
去馬害除蠹防蠹病心力不能到一卷相印證
詩以道性情所貴在持正滄海有龍吟澄心靜
清聽

秋日訪李西漚年丈惺時延王講九峰書

院

數間茅屋傍山家綠樹如雲一徑斜我未到門

先下馬愛公手植傲霜花

十載元知不入城如今花雨待先生溪流處處
源泉活便出山來也是清

竹林相話日頻移斗酒閒斟醉不知好屬守門
雙白鶴松風一路下山時

答齊春田澁使彥勲

昨得一尺書愛玩不忍置所言皆體要字字有
深意譬若聞晨鐘猛省發神智又如飲醕醪不

蟄廬遺集

八

覺心先醉感君贈我言悱惻寓文字我愧二千
石嘉陽輒臥治功成不自知詎敢矜廉吏常於
清夜中焚香告天地牧馬去其害白可致良驥
種禾除其莠漸能生嘉穗此理原不誣永佩切
磋義有客逐嶺南頓起懷人思

古劍

此劍久埋沒鋒鏖泣鬼神本來經鍛鍊何以老
風塵入手惜名將先朝斬佞臣虎頭應拔鞘銳

氣尙驚人

古琴

銘篆模糊甚何年斲此琴平沙閒落雁寒月下
空林歷劫壓凡響令人生道心不嫌蛇腹斷相
賞得知音

古硯

硯質何其樸良材自有真潤分天地氣磨盡古
今人墨藩微凹聚燒痕劫火新幸無豪貴奪常

蟄廬遺集

九

伴苦吟身

古鏡

土蝕青銅鏡龍鸞背後翔可憐新婦棄曾照美
人妝以此圓明相中含豔麗香寶匳能護惜還
與綉鴛鴦

雞語

中宵寂不適展轉勞中腸拍拍雞鼓翼引吭嘯
月光微聞似相語歎息聲盈窗爲我謝爾雞偃

息敢在牀手僵抱竿牘腰折疲風霜惟茲片晷

暇迄可非太康雞聞笑胡盧汝勞吾豈忘屈指
輶車來側眼鼠雀堂南鄰兄構弟扎舍妻訟郎
大猾讐刃白衰俗妖巾黃漏鱗決網罟冤血紛
銀鐺一官似沐猴羣吏如封狼心公識則閭力
瘁神徒傷急宜掛爾冠草笠歸江鄉急宜脫爾
鞵泥脛耕山岡乃不羞素餐退食哦五羊雖復
稍盜名貽憂終匪量聽罷心瞿然欲訴推窗望

蟄廬遺集

十

雞宿不復語星月空微茫

草堂寺懷杜工部

曾向遺編景若人今看賸跡錦江濱堂前亂竹
猶遮日簷外梅花好自春半世寄居天地窄一
生憂國性情真文章海內空知己誰信千秋稷
契身

新都楊升盦故宅

捶門痛哭情原激萬死投荒亦可哀意氣不慙

天下士窮愁偏富著書才青蠅自弔虞翻宅白骨誰收郭隗臺江草江花悲異域謫仙人竟在塵埃

趙順平侯祠墓落成

二千百年天亟移故山魂魄今誰知將軍白骨照丹壑盪空生氣森淋漓想當炎精墜中葉操賊挾詐移漢基元黃血戰紫微暗一劍竟識真龍奇當陽之阪勇尤著藐孤不陷狼虎圍百萬

蟄廬遺集

十二

軍中奮長戟猛若虓虎礮羣羝抑然伐吳著明諫揮斥國賊詞無疑向使皇麾不東指中原併力猶可爲連營百里一灰燼嗚呼永安空涕洟丈夫身當裏馬革將軍豈望骸骨遺兩朝已竭老臣力英雄不死天非私後人思德守公墓松杉一徑趨廟祠年深豈免有剝落敗棟生菌穰生芝亟操舂鍤先衆畫版築黜聖紛紜施功成厯階奠樽酒鏗鐘伐鼓陳牲犧雲車霧馬來髣髴

髣風雨颯颯揚靈旗觀者咨嗟咸動色左右肅立無跛欹繫余寘薄神豈格區區或鑒誠非欺三年辛苦盜賊熄實賴神力潛維持有功於民禮則祀況將軍若千秋稀惠山蒼蒼起煙霧潞水汨汨流寒澌山川陵谷有時易將軍之德無終期

七曲山

七曲山秦女歸有蛇掉尾來五丁拔劍而逐之

蟄廬遺集

十三

霹靂一聲天地驚無蛇無女無五丁但覺山高石齒齒波濤西走連青冥君不見力士祠前劍泉碧夜夜劍光二千尺哀聲入月五婦魂化作杜鵑叫其側

上亭

棧閣崎嶇馬不停郎當驛外雨淋鈴尋常行客都愁絕况有傷心不可聽

黯黯龍旗拂劍州佛堂梨樹怕回頭驚心試問